

A Pontenova, 1 de xuño de 2020.- O Alcalde – Presidente, Darío Campos Conde.

R. 1016

RIBEIRA DE PIQUÍN

Anuncio

Aprobado inicialmente polo Pleno desta Corporación en sesión extraordinaria celebrada o día 25 de maio de 2020 o expediente de modificación de créditos 3/2020- expediente de transferencia de créditos- dentro do vixente Orzamento por importe de 24.000,00 € (Vinte e catro mil euros).

Por medio do presente expónse ó público o expediente de modificación de créditos antedito, polo prazo de quince días hábiles, contados a partir do seguinte á publicación deste anuncio no Boletín Oficial da Provincia, a efectos de que os interesados poidan examinalo e presenta-las reclamacións ou alegacións que estimen pertinentes, de conformidade co disposto nos artigos 169, do RDLex 2/2004, polo que se aproba o texto refundido da lei reguladora das facendas locais, e art. 42 en relación cos artigos 20 e 22 do R.D. 500/1990, do 20 de abril.

Ribeira de Piquín, 28 de maio de 2020.- O Alcalde, Roberto Fernández Rico.

R. 1017

Anuncio

Logo de aprobar definitivamente o Plan Municipal de Prevención de Incendios Forestais do Concello de Ribeira de Piquín, por Resolución da Alcaldía núm. 2020/085 de data 27 de maio, publícase o texto íntegro do dito acordo para o seu xeral coñecemento, en cumprimento do artigo 45 da Lei 39/2015, de 1 de outubro, do Procedemento Administrativo Común das Administracións Públicas:

“DECRETO DA ALCALDÍA NÚM. 2020/085:

En Ribeira de Piquín, a 27 de maio de 2020.

Asunto: *Aprobación definitiva do Plan Municipal de Prevención e Defensa contra os Incendios Forestais.*

DON ROBERTO FERNÁNDEZ RICO, ALCALDE-PRESIDENTE DO CONCELLO DE RIBEIRA DE PIQUÍN (LUGO).

Visto o artigo 7 da Lei 3/2007, do 9 de abril, de prevención e defensa contra os incendios forestais de Galicia, que atribúe a competencia aos concellos de elaborar e aprobar os plans municipais de prevención e defensa contra os incendios forestais con arranxo ao previsto na presente lei e na lexislación galega de montes, ordear a execución das obras necesarias para conservar e manter o solo e a biomasa vexetal nas condicións precisas que eviten os incendios, e de forma máis concreta a ordenación e execución subsidiaria da xestión da biomasa, así coma o deber de xestionar as redes secundarias de faixas de xestión de biomasa e as faixas laterais das redes viarias da súa titularidade.

Visto o Plan de Prevención e Defensa contra os Incendios Forestais do Concello de Ribeira de Piquín redactado pola Empresa Pública de Servizos Agrarios Galegos, S.A. (SEAGA).

Visto que por Resolución da Alcaldía núm. 2019/243, de data 6 de novembro, o Plan de Prevención e Defensa contra os Incendios Forestais do Concello de Ribeira de Piquín foi aprobado inicialmente, someténdoo a información pública por prazo de 20 días hábiles mediante anuncio publicado no Boletín Oficial da Provincia de Lugo núm. 260, de data 13/11/2019.

Visto que estivo a disposición dos interesados na sede electrónica deste Concello <https://ribeiradepiquin.sedelectronica.gal>.

Visto que durante o período de información pública se presentaron as alegacións que constan no certificado de secretaría de data 24 de abril de 2020.

Visto que con data 20 de febreiro de 2020, R.E. núm. 2020/091 se recibiu informe favorable preceptivo e vinculante da Dirección Xeral de Defensa do Monte da Consellería do Medio Rural.

*Examinada a documentación que obra no expediente, e de conformidade co establecido no artigo 16.5 da Lei 3/2007, de 9 de abril, de Prevención e Defensa contra os Incendios Forestais de Galicia e no artigo 21.1.s) da Lei 7/1985, de 2 de abril, Reguladora das Bases do Réxime Local, **RESOLVO:***

PRIMEIRO.- *Desestimar as alegacións presentadas polo Colexio Oficial de Enxeñeiros Técnicos Forestais de Galicia, segundo as seguintes consideracións:*

- En canto á primeira alegación, non hai incumprimento do requisito establecido polo artigo 13.6 da Lei 3/2007, do 9 de abril, de prevención e defensa contra os incendios forestais de Galicia, debido a que o Plan de Prevención e Defensa contra os Incendios Forestais do Concello de Ribeira de Piquín (PPDIF) foi redactado por técnicos competentes en materia forestal da Empresa Pública de Servizos Agrarios Galegos (SEAGA). De acordo co procedemento establecido, a raíz da colaboración técnica que establece o Convenio de Colaboración subscrito entre a Xunta de Galicia, a FEGAMP e SEAGA, os plans serán asinados con posterioridade á revisión por parte do concello e á súa aprobación inicial, ben por técnico municipal ou ben por técnico da empresa SEAGA. Dacordo con ese procedemento, unha vez validado o Plan, solicitarase á Consellería competente en materia forestal un informe preceptivo e vinculante, e procederase á aprobación definitiva do Plan.
- En canto á segunda e terceira alegación, non existen os incumprimentos sinalados dado que a lexislación vixente permite elaborar o Plan por zonas, estando previsto un posterior desenvolvemento do mesmo para completar o planeamento.

Tendo en conta o contido do informe favorable preceptivo e vinculante emitido pola Dirección Xeral de Defensa do Monte da Consellería de Medio Rural, que tivo entrada neste concello con data 20 de febreiro de 2020, R.E. núm. 2020/091, no artigo 16.4 da Lei 3/2007, establécese que o ámbito do PPDIF poderá ser de todo o concello ou ilo desenvolvendo por zonas, polo que no futuro, o plan deberá ampliarse e actualizarse para, de acordo co establecido no artigo 16.2, incluír: a definición das redes secundarias de faixas de xestión de biomasa arredor das edificacións destinadas ás persoas, vivendas illadas, urbanizacións, depósitos de lixo, cámpings, gasolinerías e parques e instalacións industriais situados a menos de 400 metros do monte e arredor das edificacións illadas destinadas ás persoas en solo rústico situadas a máis de 400 metros do monte; a rede de pistas, vías, camiños, estradas de titularidade municipal; os montes de titularidade municipal.

SEGUNDO.- Aprobar definitivamente o Plan de Prevención e Defensa contra os Incendios Forestais do Concello de Ribeira de Piquín.

TERCEIRO.- Publicar no Boletín Oficial da Provincia de Lugo este acordo, así como na sede electrónica do concello (<https://ribeiradepiquin.sedelectronica.gal>), ademais de notificar aos interesados en contestación das alegacións presentadas.

CUARTO.- Comunicar este acordo á Consellería competente en materia forestal para os efectos oportunos."

Ribeira de Piquín, 28 de maio de 2020.- Alcalde-presidente, D. Roberto Fernández Rico.

R. 1018

XERMADE

Anuncio

Por Decreto da Alcaldía núm. 197/2020 de data 22 de maio aprobaronse as bases que de seguido se transcriben:

>>BASES REGULADORAS QUE REXERÁN A FORMACIÓN DUNHA BOLSA DE EMPREGO PARA A CONTRATACIÓN LABORAL TEMPORAL PARA REALIZAR TRABALLOS DE "TRATAMENTOS PREVENTIVOS DE XEITO MECANIZADO CONTRA INCENDIOS FORESTAIS", NO ANO 2020.

1.- OBXECTO DA CONVOCATORIA.

É por obxecto da convocatoria a contratación con carácter temporal, en réxime de dereito laboral e a xornada completa (100%) de **dous (2) oficiais 2ª tractoristas**.

Serán funcións a desempeñar polos/as contratados/as as establecidas na cláusula terceira do "Convenio de Colaboración subscrito entre a Consellería do Medio Rural e do Mar e o Concello de Xermade para a participación na prevención e defensa contra incendios forestais mediante a actuación de brigadas de prevención e defensa".

As presentes bases teñen como finalidade a formación dunha bolsa de emprego con cargo a cal se farán as contratacións cando se dispoña dun compromiso firme de financiamento.

2.- MODALIDADE E DURACIÓN DOS CONTRATOS.

O modelo de contrato de traballo será o de obra ou servizo de duración determinada. A duración do contrato será de tres meses e medio como máximo e, en todo caso, finalizará o 30 de setembro de 2020.

O réxime xurídico da relación será de carácter laboral, en réxime de dedicación a tempo completo por quendas, de luns a domingo.

3.- REQUISITOS DOS ASPIRANTES.

Para ser admitido/a a esta convocatoria, os/as aspirantes deberán reunir, na data na que finalice o prazo de presentación de instancias, os seguintes requisitos: